

Komunikado pa Prensa- bou di embargo te dia 28 di òktober 2009; 15.30 or



Grassroots Curaçao

Proyekto Partikular di stimulashon ta duna aselerashon na ICT den enseñansa.

Mundialmente ekspertonan den enseñansa ta di akuerdo ku otro ku uso di ICT (Informashon Komunikashon i Teknologia na papiamentu ICT) ta hunga i mester hunga un papel importante den inovashon di enseñansa. Mas ku 60% di hende hóben por ehèmpel mundialmente diariamente ta riba Internet òf ta hunga wega elektróniko. Medianan nobo manera retnan sosial digital ta hungando kada bes mas un papel importante den bida diario di hende hóben. Sabiduria di media ta un karakteristikamente importante den enseñansa di awendia. Na eskala grandi ta investigá kon kontenido edukativo (material di lès) por keda presentá ku media nobo na e hende hóben.

Dia 28 di òktober, tres or (15.00) or di atardi den hotèl 't Klooster (Abraham de Veerstraat) Grassroots Foundation Curaçao ta lansa un grandioso proyekto di stimulashon ICT den enseñansa di Kòrsou.

E proyekto Grassroots Curacao ta konsistí di dos parti.

Lisensiamentu di Software den enseñansa

Na Hulanda e servisionan SLB ta responsabel pa lisensiamentu (haña e lisensia legalmente) di software di enseñansa. Hopi suministradó internashonal di software konosé un areglo spesial di software pa enseñansa. Na Hulanda e servisionan SLB ta agrupá ya pa 15 aña pedido i demanda pa software konosí pa uso na skolnan i na kas dor di dosente i estudiante. Esaki ta nifiká ku enseñansa kompletu por hasi uso di hopi software ofisial kontra di preisnan mínimo. Skolnan, dosentenan i studentenan por hasi uso na preis di kosto, mayoria bes di entre 5 pa 20% di e preis di benta, por hasi uso di e software legal, ku tur bentaha ku esei ta tres kuné.

Manera por ehèmpel e vershonnan di mas nobo, updates etc. Hopi fabrikante di software ta ofresé na usuarionan legal un palèt grandi na método di lès, treinen, 'template' i materialnan di sertifikashon. Promé ku esaki kaba den konsulta ku gobièrnu na Kòrsou e iniciativa a ser tumá pa hasi e mesun areglo aki tambe posibel pa e islanan di Antia. E intento akí, fuera di falta di Kòrsou, lástimamente no a logra kristalisá. P'esei a skohe pa un sistema nobo di operá. For di e iniciativa partikular akí lo start ku tres skol piloto. Esakinan lo risibí bastante fasilidat. E tres skolnan ei ta: Peter Stuyvesant College (DOS), Marnix College (VPCO) i Radulphus College (RKCS).

Stimulashon ICT- den enseñansa

Na e tres skolnan mensioná ta kuminsá ku un trayekto di stimulashon na un eskala grandioso. E dosentenan pa loke ta trata tereno di nan vaknan lo por entregá un proyekto di nivel abou di tamaño redusí ku tin e komponentenan kla di ICT. *Grassroots Curaçao* ta pone pa kada proyekto un montante di NA f 1000,- disponibel. E suma akí lo por keda usá kompletamente pa e proyekto ku a keda entregá. E proyektonan Grassroots a start na Canada i ta aya i na hopi otro pais na mundu un gran éksito. E manera di operá di Grassroots ta resultá di ta un di e maneranan mas eksitoso pa siña pone dosentenan realmente riba e kaminda. *GrassRoots Curaçao* ke inspirá dosentenan i yuda nan pasa e drèmpi pa inová nan enseñansa ku yudansa di ICT. E tres skolnan akí kada un tin mag di entregá i ehekutá e aña eskolar akí 2009/2010 15 proyekto. Kuminsando aña eskolar 2010/2011 ta intenshon ku enseñansa kompletu na Kòrsou (enseñansa Avansá i Fundeshi) lo tin mag di partisipá. Durashon di e proyekto ainda no ta kompletamente fihá, e inisiadónan ta garantisá en todo kaso un temporada di ehekushon di tres aña. Pa henter e proyekto akí a lanta entretantu e fundashon *Grassroots Foundation Curaçao*.

Algún ehèmpel di uso di ICT den uso diario den práktika di dunamentu di lès:


- Kámara digital pa korant di skol (digital)
 - Entrevista e-mail komo parti di un tarea
 - Traha un tarea ku un WebQuest
 - Entrevistá hende pa Podcast
 - Mikroskop digital pa lès di biologia
 - Konsultá Internet pa proyekto CAV
 - Presentashon Power Point di alumno
 - Wikipedia komo fuente di lès di Historia
 - Dominá materia di lès ku Good Practices
- Pa mas informashon i splikashon di e ehèmpelnan bishitá website www.grassrootscuraçao.com

GrassRootsCuraçao ta un inisiativa di:

- Fundashon Bon Intenshon - Curaçao
- Joost Wasch – **servisionan** SLB/SLIM.NL - www.slbdiensten.nl www.slim.nl
- Louis Hilgers - Educos - www.educos.nl
- Harry Hoeve – RKCS – www.rkcs.org



Fundashon
BON INTENSHON



Por haña tur informashon riba website www.grassrootscuraçao.com

Nota pa redakshon – pa mas informashon info@grassrootscuracao.com

Tokante servisionan SLB i Slim.nl

Servisionan SLB ta intermediario entre institushonnan di enseñansa i suministradónan di software, courseware i hardware. Último añanan servisionan SLB a sera bastante kombenio kui suministradónan di software. E institushonnan di enseñansa ku ta sera un kombenio di lisensia via servisionan SLB, lo por hasi uso bentahoso di programanan di diferente suministradó.

W www.slbdiensten.nl | www.slim.nl
E admin@slbdiensten.nl
T 0031204201396

Tokante Educos

EduCos ta okupá su mes na promé lugá ku asuntunan ICT den enseñansa. Louis Hilgers tin un kantidat di publikashon riba su nòmber. Mira pa esaki e portfolio riba e website di Educos. Riba e website independiente www.ICTnieuws.nl diariamente tin notisia riba tereno di ICT di i den enseñansa. Tambe www.internetwoordenboek.nl den kua tin mas di 5000 konsepto, definishon, abreviashon i idioma kolokial ta keda klaramente akklará siendo esaki un inisiativa di Educos.

W www.educos.nl | www.ictnieuws.nl | www.internetwoordenboek.nl
E info@educos.nl
T 0031651089585 | 0031455224045

Tokante Fundashon Bon Intenshon:

Fundashon Bon Intenshon ta un fundashon ku ta okupá su mes na promé instansia entre otro pa duna e sosten nesesario den asuntunan sosial edukativo. For di aña 1990 Fundashon Bon Intenshon a inisiá e proseso pa abastesé tur skol avansá na Kòrsou i Antia Hulandes ku kòmputer den nan lokalidat di kòmputer kompletamente ekipá pa esei i konektá riba ret di komunikashon pa asina en studiantenan haña aksesu di Internet. Ademas di tin afinidat pa prepará e hóbennan Antiano pa e mundu elektróniko avansá, Fundashon Bon Intenshon ta duna, kaminda por, apoyo i e sosten nesesario na kasonan sosial karitativo den barionan marginá den nos sosiedat. Fundashon Bon Intenshon den ramo deportivo ta hasi tur loke ta na su alkanse pa muestra e parti positivo di logronan di yunan di Kòrsou i ta promové kaminda ta posibel nòmber di Kòrsou mediante deporte.